



UNIVERSITÄTS-
BIBLIOTHEK
PADERBORN

**Roberti Tvrneri Viri Doctissimi Professoris In Academia
Ingolstadiensi Orationvm. Volvmen ...**

Turner, Robert

Coloniae Agrippinae, 1625

5. Ad serenissimum Principem Bauariæ Guilielmum.

[urn:nbn:de:hbz:466:1-69519](https://nbn-resolving.org/urn:nbn:de:hbz:466:1-69519)

ROBERTI TURNERI
ORATIO V. AD SERENISSIMUM
Principem Bauariæ Wilhelmum,
Ingolstadij.

OMnis res, Serenissime Princeps, quæ habet vel commendationem ab arte, vel dignitatem à natura, crescit splendetq; magis loci maiestate. Videtur Sol pulchrior, quod in cælo; gemma pretiosior, quod in auro; oculus nitidior, quod in capite; religio præstantior, quod in Principe, tanquam solio resideat. Religio, Serenissime, in aliis si niteat, niret sua vi; at in Principe accipit à persona splendorem, à loco altitudinem. Vnde nihil mirum, si tuæ religionis vis, illa sit, quæ possit nec obrui tenebris, quia splendida: nec coërceri angustiis, quia alta. Non satis fuit tuæ virtuti & religioni, sparsisse per Bauariam semina virtutis & religionis: tua virtus summa est, debet spargi: tua religio vehemens est, vult manare ad alios, & quadam naturæ tuæ bonitate ad nos vult manare, ita vndique vel dissimiles loco, vel pressos angustiis, vt nec meriti sumus tantum, nec possimus mereri de tanto. Quo minus aut meremur, aut mereri possumus, eo diuinius tua religionis vis, quæ ex alpium latebris remotis illis quidem & reconditis eruis Benedictos, Bernardos, Siluestros, quibus benefacias: nec curas quibus, sed quid agas. De hoc beneficio nec ago gratias, ne infirmite; nec laudo, ne inepte; nec hortor, ne stulte videar dixisse, & præter normam. Tantum profiteor meo aliorumq; qui in hoc Collegio sub tua vel ala, vel nutu student, Religiosorum nomine hanc hodiernam vestram humanitatem de nobis visendis, tanquam virtutem non natam inter homines, sed è cælo lapsam, à Deoq; quasi decerptam, silentio veneraturos:

*Pulchrior
in suo sub
iecto appa
ret res,
quæ extræ*

tant

tantumne? etiam Deum, in cuius manu est via & vita Principum, rogabimus seruo, perpetuo, suppliciter, de beneficiis in nos collatis, has vestes nostras, has patientias, hos pileos, denique reliqua omnia nostra ornamenta intexat quasi gemmas illi coronæ, quam tibi in cælo imponet, de exemplo splendidam, de pietate auream, de religione summam. *Dixi.*

ROBERTI TURNERI
ORATIO VI. NOMINE SERENISSIMI Principis Guilielmi Comitis Palatini Rheni, vtriusque Bauariæ Ducis, &c. habitata ad reuerendos, generosos, ac honoratissimos Ecclesiæ Leodiensis Dominos.

Amor (R.G.DD.) siue qui fictus à Poëtis agitur furore, siue qui delibatus è cælo afflat spiritus solet, quicquid agit, aut infra rem agere, aut supra opinionem: nihil agnoscit moderati, nihil certè omnia turbat, omnia miscet: in vna tantum re habet legem, quod nulla lege aut potest aut vult deuinciri monstrum videor loqui, sed monstrum non est, amor est, quicquid loquor: atque vt id, quod dico, videatur conspirare cum veritate maxime, cogitate nihil esse sanctius, nihil diuinius illo amore, qui grato animo proficiscitur, & tamen hic grati animi amor, ita alget, ardet, ita stupet, acuitur, ita currit, subsistit, ita vacillat, hæret, quo videatur sincerius, vt qui re non fuerit gratus, is nunquam aut difficulter sane collegerit ex tam dissidenti notione verum amoris sensum, quæ animi motio si quem vnquam affecerit, affecit maxime Serenissimum Principem Dominum Guilielmum Comitem Palatinum Rheni, vtriusque Bauariæ Ducem, Dominum

Vero amore nihil san-ctius, &c.